

1. प्रधानमंत्री नरेन्द्र मोदी होरें आखेआ ऐ जे बजट-2025 भारत दी विकास यात्रा च इक महत्वपूर्ण मील दा पत्थर साबत होग। उद्योगपतिएं, नौकरीपेशा लोकें ते आम जनता नै बजट दी बड़ी मती सराहना कीती।
2. ढांचागत विकास गी बढ़ावा देने लेई सरकारै 11 लख 21 ज्हार करोड़ रपे दे पूंजीगत खर्चें दा लक्ष्य तैह कीता ऐ।
3. दिल्ली विधानसभा चुनां लेई प्रचार होर तेज होई गेआ ऐ। सब्बै पार्टियां मते शा मते मतदाताएं गी अपने पक्खै च करने लेई अपनी पूरी टिल्ल ला करदियां न। प्रधानमंत्री अज्ज आर.के.पूरम च इक रैली गी संबोधत करगन।
4. छत्तीसगढ़ दे बीजापुर जिले च सुरक्षा बलें इक टाकरे च 8 माओवादिएं गी मारी मकाया ऐ।
5. अमरीकी राष्ट्रपति डोनाल्ड ट्रंप होरें मैक्सिको, कैनाडा ते चीन थमां माल समेयान नौआने पर आयात कर लाने दा एलान कीता ऐ।
6. श्राखी राढ़ बंगाल टाइगर्स नै हैदराबाद तूफांस गर 4-3 कन्नै हराइयै हाकी इंडिया लीग दा खताब अपने नां कीता।
7. आईसीसी अंडर-19 महिला टी-20 विश्व कप च अज्ज दपैहरी मजूदा चैंपियन भारत दा फाइनल च दक्खन अफ्रीका कन्नै मकाबला होग।



PM-Budget

प्रधानमंत्री नरेन्द्र मोदी होरें केन्द्री बजट 2025 दी सराहना करदे होई इसी भारत दे विकास च इक बड़डा मोड़ करार दित्ता ऐ ते आखेआ ऐ जे मुख्यै दे विकसित भारत आले लक्ष्य गी हासल करने दी यात्रा च एह रफतार बधाने च अहम रोल अदा करोग। मोदी होरें आखेआ जे एह बजट नमिएं काह्डें, उद्यमता ते टिकाऊ विकास लेई बत्त पदरी करदा ऐ ते उब्बी केई सारे क्षेत्रें च जिंदे च आर्टिफिशन इंटेलीजेंस, खढोना निर्माण, राई बाई, खाने पीने दे समेयान गी डब्बाबंद करने ते गिग इकान्मी यानि ऐसी मुक्त बजट आली बवस्था जेहदे च लौहकी अवधि आले कम्में लेई सुतंत्र श्रमकें कम्मगार गी कम्में पर लाया जाई सकदा ऐ। प्रधानमंत्री होरें आखेआ जे केन्द्री बजट 2025 सरकार दी 140 करोड़ भारतीयें दिएं आसें तांगें गी पूरा करने बक्खी निष्ठा ते पक्के प्रेइयै दी सारत ऐ। बजट दे बाद आले अपने सनेए च प्रधानमंत्री होरें आखेआ जे एह बजट भारत दी विकास यात्रा च इक महत्वपूर्ण मील दा पत्थर ऐ। कल पेश कीते गेदे बजट दी समाज दे बक्ख-बक्ख वर्गें सराहना कीती ऐ। टैक्स च छूट पर नौकरी पेशा लोकें जित्थें सरकार दा आभार प्रगट कीता ऐ, उत्थें गै उद्योगपतिएं बी बजट दे नमं प्रवधानें दी सिफत कीती ऐ। करसानें लेई सुविधाएं च बाद्धा करने पर बी बजट दा सुआगत कीता ऐ।

कल पेश कीते गेदे बजट च ढांचागत विकास बक्खी मता ध्यान दित्ता गेदा ऐ ते सरकारै 2025-26 आले माली बरें लेई पंजी अखराजात लेई 11 लख 21 ज्हार करोड़ रपे दा लक्ष्य रखेआ ऐ, जियां जे पैहले बी खबर दित्ती जाई चुकी दी ऐ जे केन्द्री खजाना मंत्री निर्मला सीतारमण होरें कल एनडीए सरकार दे त्रीए कार्यकाल दा पैहला "पूरा पराता" बजट पेश कीता हा। लोकसभा च बजट पेश करदे होई खजाना मंत्री होरें घोषणा कीती जे 12 लख रने तोड़ी दी सलाना औंदन पर कोई टैक्स नेई लगगोग ते एहदे पर 75 ज्हार रपे दी स्टेंडर्ड डिडिक्शन बी लागू होग यानि बनखाह पर कम्म करने आले कुसै आदमी दी औंदन जेकर 12 लख 75 ज्हार रपे ऐ तां उसी कोई टैक्स नेई भरना होग। खजाना मंत्री होरें इंकम टैक्स दियां नमियां दरां बी जारी कीतियां।

Delhi Campaining

दिल्ली विधानसभा चुनावों लेई प्रचार कल मुक्की जाग। बक्ख-बक्ख पार्टिं दे नेता मते शा मते मतदाताएं गी अपने पक्खे च करने लेई अपनी पूरी टिल्ल ला करदे न। सब्बने दलें दे नेता रोड शो, रैलियां ते जलसे राएं मते शा मते मतदाताएं तगर पुज्जने दी कोश्ट करा करदे न। बीजेपी दे वरिष्ठ नेता ते प्रधानमंत्री नरेन्द्र मोदी होर अज्ज दपैहरी आर.के.पुरम च इक जनसभा गी संबोधत करगन जिसलै जे पार्टी दे वरिष्ठ नेता ते रक्षा मंत्री राजनाथ सिंह हुंदा राजेन्द्र नगर, लक्ष्मी नगर ते चांदनी चौक च रैलियां करन दा कार्यक्रम ऐ। कांग्रेस दे नेता अजय माकन होर अज्ज दिल्ली च इक संवाददाता सम्मेलन गी संबोधत करगन। जिसलै जे राहुल गांधी होरें कल सदर बजार च इक जनसभा च दावा कीता जे देश च हिंसा ते नफरत खलाफ कांग्रेस संघर्ष करा करदी ऐ। आम आदमी पार्टी दे संयोजक अरविंद केजरीवाल होरें बी कल केई रैलिं च लोकें गी उनेंगी उंदी कारकरदगी दी बिनाह पर वोट पाने दी अपील कीती।

<><><><><><>

Home Voting

दिल्ली विधानसभा चुनावों च घरें थमां वोट पाने दी सुविधा दा इस्तेमाल दिव्यांग ते 85एं बरें थमां बद्ध वरिष्ठ नागरिक पूरे जोश खरोश कनै करा करदे न। दिल्ली दे मुख्ख चुनावों दफतर नै एह जानकारी दिक्ती ऐ जे घरां वोट पाने आली सुविधा दिव्यांगें ते 85एं बरें थमां बद्ध दे वरिष्ठ नागरिकें लेई उपलब्ध ऐ ते एहदा उपयोग सब्बने 70 विधानसभा हल्कें च कीता जा'रदा ऐ। 31 जनवरी तगर घरे मिमां वोटिंग करने आले कुल दर्ज वोटरें थमां 92 फीसदी वोटरें अपने मतदान दा इस्तेमाल करी लैते दा ऐ। जेहदे च 5 जहार 982 वरिष्ठ नागरिक ते 998 दिव्यांग शामिल न। एह सुविधा 24 जनवरी कोला शुरू कीती गई ही ते एह नियमित वोटिंग कोला इक दिन पैहले यानि 4 जनवरी तगर चलोग।

<><><><><><>

Chhatisgarh

छत्तीसगढ़ दे बीजापुर जिले च सुरक्षाबलें कनै होई दी इक मुठभेड़ च 8 माओवादी मारे गे न। पुलस मूजब सुरक्षाबलें दी इक सांझी टीम जेहदे च डिस्ट्रिक्ट रिसर्व गार्ड, सीआरपीएफ ते स्पेशल टास्क फोर्स शामिल हियां ते खुफिया जानकारी थोने मगरा गंगालुर इलाके च माओवादिं खलाफ एह अभियान चलाया।

<><><><><><>

US-Tax

अमरीका दे राष्ट्रपति डोनाल्ड ट्रंप होरें मैक्सिको, कनाडा ते चीन थमां माल समेयान नोआने पर आयात शुल्क लाने दा एलान करी दिक्ता ऐ। राष्ट्रपति होरें जंदी रातीं त्रै कार्जकारी हुक्म पर दस्तखत कीते ते अमरीका दे त्रै बड्डे बपार भ्याले पर आयात शुल्क लाने पर मोहर लाई दिक्ती। इस बारे जारी इक कार्जकारी हुकमै मूजब मैक्सिको थमां आयातपर 25 प्रतिशत, दुए हुकमै मूजब कनाडा थमां आयात पर 25 प्रतिशत ते ऊर्जा स्रोतें पर 10 प्रतिशत दा टैक्स लाया गेआ ऐ। त्रीआ हुकम चीन थमां आयात पर 10 प्रतिशत दी तस्दीक करदा ऐ।

<><><><><><>

US-Attack

अमरीकी सेना नै कल सोमालिया च इस्लामिक स्टेट दे संचालकें खलाफ योजनाबद्ध तरीके कन्नै हवाई हमले कीते। राष्ट्रपति डोनाल्ड ट्रंप हुंदी अमरीका दी कमान दूई बारी सांभने दे बाद एह सोमालिया उप्पर पैहले हमले न। इक सोशल मीडिया संदेश च ट्रंप होरें आखेआ जे आईएसआईएस दे इक सिरे दे सरगने ते भथी कीते गेदे आतंकवादिऐं गी इस अभियान च नशाना बनाया गेआ। पेंटागन नै शुरूआती अनुमान च सारत दित्ती ऐ जे इस हमले केई आतंकवादी मारे गे न।

<><><><><><>

Cricket

आईसीसी अंडर-19 महिला टी-20 विश्व कप च अज्ज दपैहरी भारत दा फाइनल च दक्खन अफ्रीका कन्नै मकाबला होग। फाइनल मकाबला भारतीय समें मताबक दपेळूरी 12 बजे मलेशिया दे कुआलालपुर शैहरे दे बायुमास ओवल स्टेडियम च खेड्डेआ जाग। भारत नै सैमीफाइनल च इंग्लैंड गी 9 विकटें कन्नै हराइयै फाइनल च थाहर बनाई ही। तोआई दक्खन अफ्रीका नै आस्ट्रेलिया गी 5एं विकटें कन्नै मात देइयै पैहली बारी फाइनल च प्रवेया कीता ऐ।

<><><><><><>

HIL Final

श्राची राढ़ बंगाल टाइगर्स नै हैदराबाद तूफांस गी 4-3 कन्नै हराइयै हाकी इंडिया लीग दा खताब अपने नां करी लैता। फाइनल मकाबला राउरकेला दे बिरसा मुंडा स्टेडियम च खेड्डेआ गेआ। जुगराज सिंह दी हैट ट्रिक ते सैम लेन दे इक महत्वपूर्ण गोल नै बंगाल टाइगर्स गी खताब जित्तने च प्रमुख भूमका नभाई। इस जित्त कन्नै श्राची राढ़ बंगाल टाइगर्स नै 3 करोड़ रपे दा पुरस्कार राशि जित्ती ते उपविजेता हैदराबाद तूफांस गी 2 करोड़ रपे दी राशि इनाम दे तौरा पर थोई।

<><><><><><>

Kumbh Foreign

महाकुंभ मेले च कल 77 मुख् दे राजनयिकें ते मिशन प्रमुखकें सनें 118 मिंबरी विशेष विदेशी शिष्टमंडलै अपने जीवन साथिएं कन्नै त्रिवेणी संगम च डुबकी लाई ते इस पवित्र मौके पर अपनी खुशी जाहर कीती। बक्ख-बक्ख देशें दे राजदूतें ते उंदे परोआर आलें भारतीय संस्कृति ते आध्यात्मिकता दी सराहना कीती ते इस बड्डे आध्यात्मिकता ते धार्मिक आयोजन च कीती गेदिऐं बवस्थाएं दी सराहना कीती। शिष्टमंडलें केन्द्र ते उत्तर प्रदेश सरकार दा आभार प्रगट कीता ते पवित्र महाकुंभ च शामिल होने गी अपने जीवन दा इक बक्खरा ते संदोख शांति देने आला इक अनुभव दस्सेआ। उंदा आखना हा जे इस महाकुंभ गी दिक्खियै उंदे मनै च भारतीय संस्कृति लेई गैहरी समझ ते सम्मान पैदा होआ ऐ।

<><><><><><>